



**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XVI. Ut lite pendente nihil innoventur.

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

TITULUS XVI.

Ut lite pendente nihil innovetur.

SUMMARIUM.

1. Quomodo inducatur litis pendentia, & quid operetur.
2. Lite pendente nihil est innovandum in præjudicium Partis.
3. Quas pœnas incurrat alienans, & recipiens rem litigiosam.

Litis pendens dicitur, quando inter duos mota, & in Judicium deducta est controversia super aliqua re. Inducitur autem litis pendentia per citationem Reo intimatam. Clem. 2. h. t. ac durat, donec lis finiatur per sententiam, & quidem, si post primam appellatur, per ultimam in Appellatorio, vel per transactionem, vel per cessionem aliam Partium, expressam aut tacitam. Per litis pendentiam simul res, vel, si actio personalis est instituta, ipsa actio redditur *litigiosa*, & hinc, si circa alterutram aliquid innovetur, conceditur Parti *vitium litigiosi*: vi cuius potest petere, ut, siquid innovatum vel attentatum fuerit circa rem vel actionem, quæ per innovationem dicuntur laborare *vitiō litigiosi*, revocetur in pristinum statum, ac interim sistatur Processus ad ulteriora, per c. 3. h. t.

Dico. Lite pendente nihil est innovandum, 2
nempe in præjudicium Partis litigantis, ut habet
per modum regulæ generalis *Rubrica* hujus tituli.

Pars I.

D d

Ade-

418 LIB. II. TITULUS XVI.

Adeoque nihil est innovandum 1. circa rem litigiosam. c. 1. 3. 4. h. t. l. 2. & Auth. litigiosa. C. de litigiosis, adeoque alienari non potest, & ne quidem validè juxta Jus Codicis l. 2. cit. & l. 4. f. 1. C. eod. Excipe, nisi alienatio fiat causâ dotti transactionis, divisionis rerum hæreditiarum: vel nisi alienatio fiat per ultimam voluntatem: nisi sit necessaria, v. g. quæ sit per publicationem bonorum ex præcepto Judicis, vel si sit periculum, ne res litigiosa pereat, 2. circa actionem litigiosam. l. 2. cit. ita ut alteri cedi, donari, vendi nequeat. 3. circa jus, ratione cuius litigatur, v. g. si duo litigent de beneficio Ecclesiastico, lite semel mota non potest fieri nova provisio, licet unus litigantium moriatur vel lite cedat. c. 1. 2. b. t. in 6. quia per hoc non constat, an superstiti vel cessionario competit jus. 4. circa possessionem rei, aut usum juris c. 1. 2. b. t. X. adeoque possessor salva manere debet sua possessio, & fructus, quantum pendet; nisi nempe ob periculum, ne Pars veniant ad arma, vel ne fructus dilapidentur, & Reus aufugiat, vel ne res pereat, necesse sit possessionem, fructus, vel rem sequestrari, de quo tit. seq. 5. circa statum causæ controversæ, ita ut desuper privilegium vel aliud rescriptum, nisi in eo fiat expressa mentio litis pendentis, validè non obtineatur. c. 1. & ult. b. t. c. 3. de Decim. Siquid tale fiat, dicitur committi attentatum, remedio attentatorum, si Pars, in cuius præjudicium contigit, exigat, omnia in pristinum statum reponi debent, ac de Jure Civili attentans condemnatur in expensas.

3 Quæres, an & quas pœnas incurrat alienans
& re-

& recipiens res litigiosas? R. Si neuter scivit, rem esse litigiosam, neuter inturrit pœnam ob defectum culpæ, quainvis revocari in antiquum statum debeat, si id petatur. Si uterque scivit, tunc emptor amittit pretium, & venditor tantundem debet conferre de suo, ac utraque quantitas fisco applicatur, res verò litigiosa nulli cedit, sed manet in suo statu. Si alienans solus scivit, qui ordinariè præsumitur scivisse, debet pretium reddere ignorantι, ac insuper tertiam partem pretii vel estimationis rei, reliquias autem duas partes fisco inferre. Si accipiens solus scivit, non modò debet restituere rem, sed etiam perdit pretium, fisco applicandum. l. ult. pr. & §. 1. C. de litigiosis. Sed opus est sententia Judicis.

TITULUS XVII.

De Sequestratione Possessionum, & Fructuum.

SUMMARIUM.

1. *Sequestratio, & Arrestatio, quid & quotuplex.*
2. 3. *An sequestratio sit licita, & an privet possessionem.*
4. *An, & quando Arrestatio sit licita.*

Sequestratio vel Sequestrum est rei litigiosæ, possessionis, vel fructuum apud tertium (qui sequester dicitur, & res illas interim custodire, subinde administrare debet, finita lite victori cum fructibus, aut eorum pretio, restituendas)

Dd 2

depo-